



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԽԱՉՓԱՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արարատի մարզի Խաչփար համայնք,
գ. Խաչփար 7-րդ փողոց թիվ 6, հեռախոս՝ 098777709,
էլ. փոստ՝ khachpar.ararat@mta.gov.am

ՈՐՈՇՈՒՄ

« 21 » հուլիսի 2021 թվականի №83 –Ա

ԼԵԿՈՆ ՀԱՐՈՒԹՅՈՒՆՅԱՆԻ ՎԵՐԱԲԵՐՅԱԼ ՎԱՐՉԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

1. Խաչփար համայնքի ղեկավարի որոշման կարգավորման առարկան.

Համայնքի ղեկավարի տեղակալի և համայնքապետարանի աշխատակազմի առաջատար մասնագետի կողմից ներկայացված զեկուցագրի հիման վրա համայնքի ղեկավարի կողմից 2021 թվականի հուլիսի 9-ին կազմվել է № 3 արձանագրությունը, որի հիման վրա «Վարչարարության հիմունքների և վարչական վարույթի մասին» Հայաստանի Հանրապետության օրենքի 30-րդ հոդվածի 1-ին մասի «բ» կետի հիմքով հարուցվել է վարչական վարույթ Լևոն Հարությունյանի կողմից վարչական իրավախախտում կատարելու հիմքով:

«Վարչարարության հիմունքների և վարչական վարույթի մասին» Հայաստանի Հանրապետության օրենքով սահմանված կարգով հարուցված և իրականացված վարչական իրավախախտման վերաբերյալ գործի քննության ընթացքում գործի փաստական հանգամանքների բազմակողմանի, լրիվ և օբյեկտիվ քննության արդյունքում ձեռք բերված ապացույցներով, վարչական մարմինը հաստատված է համարում հետևյալը.

2. Վարչական ակտ ընդունելու համար հիմք հանդիսացող փաստերը.

Խաչփար համայնքի ղեկավարի կողմից 2021 թվականի հուլիսի 9-ին կազմված № 3 արձանագրության և զեկուցագրի համաձայն՝ Լևոն Հարությունյանն ինքնակամ շինարարության համար 2021 թվականի հունիսի 25-ի № 61-Ա որոշմամբ վարչական պատասխանատվության ենթարկվելուց հետո չարունակել է ինքնակամ շինարարությունը: 2021 թվականի հուլիսի 9-ին հարուցված վարչական վարույթի հիման վրա Խաչփարի համայնքապետարանում հրավիրվել են վարչական վարույթի լսումներ, որին մասնակցելու նպատակով ծանուցվել և ներկայացել է Լևոն Հարությունյանը:

Հայաստանի Հանրապետության վարչական դատարանի կողմից 2021 թվականի հուլիսի 13-ին ընդունվել է որոշում Լևոն Ժորժիկի Հարությունյանի կողմից Հայաստանի Հանրապետության վարչական դատարան ներկայացված հայցադիմում ընդդեմ Հայաստանի Հանրապետության Արարատի մարզի Խաչփար համայնքի 2021 թվականի հունիսի 25-ի № 61-Ա որոշումն անվավեր ճանաչելու (վերացնելու) նպահանջի մասին վարույթ ընդունելու մասին և նշանակվել է դատաքննություն 2021 թվականի նոյեմբերի 3-ին:

3. Վարչական ակտ ընդունելու հիմնավորումը.

«Վարչարարության հիմունքների և վարչական վարույթի մասին» Հայաստանի Հանրապետության օրենքի 49-րդ հոդվածի 1-ին մասի «ա» կետի համաձայն՝ վարչական մարմինը պարտավոր է կասեցնել վարչական վարույթը, եթե անհնարին է տվյալ վարույթի արդյունքում ակնկալվող վարչական ակտի ընդունում՝ մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը:

Ելնելով վերոգրյալից և ղեկավարվելով «Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 24-րդ կետով, «Վարչարարության հիմունքների և վարչական վարույթի մասին» Հայաստանի Հանրապետության օրենքի 49-րդ հոդվածի 1-ին մասի «ա» կետով, 53-րդ և 58-60-րդ հոդվածներով որոշում եմ.

1. Լևոն Ժորժիկի Հարությունյանի վերաբերյալ վարչական վարույթը կասեցնել:
2. Վարչական վարույթը վերսկսել թիվ ՎՂ/7644/05/21 վարչական գործով վերջնական դատական ակտը օրինական ուժի մեջ մտնելուց հետո:
3. Սույն որոշումն ուժի մեջ է մտնում վարչական ակտի հասցեատիրոջն իրազեկելուն հաջորդող օրվանից:
4. Սույն որոշման կատարման ընթացքի նկատմամբ հսկողությունն իրականացնում է Խաչիկար համայնքի ղեկավարը:



2021 թ. հուլիսի 21

գ. Խաչիկար

Ղ.ՄԱՐՏԻՐՈՍՅԱՆ